



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Populos Israël, Idololatræ. xlix.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

& iacentem, & timentem, & tremantem considerare fecit, prior eum vocans ipse: quinimo non tantum prior vocans, sed etiam ex suo ipsum nomine appellans & dicens, Adam ubi es? quod legitima amicitia indicium esse manifestum est. Inimicis etenim in quospiam dispositi, nec nomina eorum, qui se laesere, tolerant commemorari. Nominine itaque vocat occultatum, ut vocationis mansuetudine animetur, & timore mortuus cogitationes respuellabundas assumat. Adhuc mihi sermone communicat? adhuc voce me dignatur? adhuc me ut pater aduocat, & ut prauaricatore non perdit in iudicatum? Ita diuina Bonitas se in omnia secula & populos effundit.

Chrys. Serm.
de Adā, So-
do. Achab,
& pœnit.

POPVLVS ISRAEL IDOLOLATRÆ.

CAPVT

XLIX.
Chryso-
stomus.
eodem Ser-
mone.

Mansuetus est Dominus, & etiam inimicis misericors. Et alicubi prior etiam occurrit, ut conciliet inimicos: & ut ament hi qui impegerant, studet artibus quibusdam efficere. Ex multis autem vnā hanc narrabo. ISRAELITAS electos variis miraculorum operationibus fouebat, & præclaros præ omnibus monstrabat: omnem (ut ita dicam) creaturam propter illos alterans, & elementorum mysteria mutans, transiri faciens nauigabilia, de fluuiam ostendens petram, præparans terram in absorptionem, retrocedere faciens Solem ad occasum festinantem, regulas naturæ nouas præscribens: eaque omnia in gloriam ingrati Israelis. Cum verò Idoli seruire cœperunt, pessime retribuentes Deo, habuit quidem ad ultionem fulmina, sed natura ad multitudinem vergebat. Abstinebat quidem ab ultione omnium, sed curabat ut amaretur ab his qui offenderant. Ieremiam mediatorem facit. Vade, inquit, & lege sermones illos, & dices eis: Convertere ad me peregrinatio Israel, & non irascar vobis in æternum. Promittit per mediato-

Jerem. 3.

vim & donum, si obtēperent, ut secum pacem habeant.
Tantum apud illum est Misericordia pelagus.

DAVID ADULTER ET HOMICIDA.

DAVID ad Bethsabee uxore Vria Ethas ingres-
sus, & à Nathan prophetante correptus, respon-
dit: DECCA VI. Statimq; meruit audire: & Dominus
abs te abstulit peccatum. Adulterio enim iunxerat ho-
miciidum: & tamen conuersus ad lachrymas, Misere-
re, ait, mei Deus, secundum magnam misericordiam
tuam. Et secundum multitudinem miserationum tua-
rum, dele iniquitatem meam. Magnum enim peccatum
magna indigebit misericordia. Unde iungit & dicit:
Multum laua me ab iniquitate mea, & à peccato meo
munda me. Quoniam iniquitatem meam ego agnosco,
& delictum meum contra me est semper. Tibi soli pec-
caui, & malum coram te feci: ut iustificeris in sermoni-
bus tuis, & vincas cum iudicaris. Concluserit enim Deus
omnia sub peccato, ut omnibus misereatur. Tantumque
profecit, ut dudum peccator & pœnitens transierit in
magistrum, & dicat: Docebo iniquos vias tuas: & im-
pij ad te conuertentur.

CAP. L.

Hic. on. ad

Rusticum.

1. Reg. 11. 12.

Psalm. 50.

Rom. 11.

ACHAB IMPIISSIMVS.

ACHAB Rex impiissimus, vineã Nabutha cruo-
re possedit: & cum Iezabel non tam coniugio sibi,
quã crudelitate coniuncta, Elia increpatione corripit-
tur: Hæc dicit Dominus: Occidisti, & possedisti. Et
iterum: In loco in quo lixerunt canes sanguinem Na-
butha, ibi lingent sanguinem tuum: & Iezabel canes
comedent ante muros Iezrael. Quod cum audisset
Achab, scidit vestimenta sua, & posuit saccum super
carnem suam: ieiunauitque, & dormiuit in cilicio. Fa-
Et usque

CAP. LI.

Hieron. ad

Rusticum.

3. Reg. 18.